

Diehtu skuvlamánáid váhnemiidda

Ovdal go Norgga skuvllaid giddejedje, de eai lean makkár ge dieđut ahte mánaidgárdde dahje skuvlla 1.-4.lk mánáide livčče njommon virus. Go buohtastahtá mánáid ja rávis olbmuid, de leat unnán mánát geaidda virus lea njoammuduvvon Norggas ja muđui máilmmis. Dássáži lea čájehuvvon ahte lea leamaš unnán riskka ahte mánát ja nuorat duođalaččat buohccájit koronavirusa geažil. Lea unnánat go eará vuoiŋahatvigiid geažil mainna mánát sáhttet buohccát, omd influeansa.

Mánáide lea oadjebas leat skuvllas

Skuvllaid rahpagohtet dađistaga, ja eastadan dihtii njoammuma de mii leat bidjan moanat doaibmabijuid. Boahttevaš áigodagas leat mii erenoamáš dárkilat sihkkarastit eastadit njoammudávdda. Lea sorjavaš das ahte buohkat dahket ja čuovvulit ođđa rávvagiid. Skuvllas beroštat erenoamážit das ahte:

- gieđaid bassat ja oahpahit ohppiide buriid giehtabassan dábiid
- buhtisin doallat skuvllaid
- jeavddálaččat bassat veahkkeneavvuid, nugo dihtordulbosa
- ohppiiguin leat ollu olgun, maiddá dábálaš skuvlatiimmain ja AÁF:s
- oahpahus ja čoagganeamit galget dáhpáhuvvat smávit joavkkuin
- doalahit doarvái gaska ohppiid gaska

Mii galgat ain áimmahuššat ahte ohppiin galgá leat oadjebas ja buorre skuvlabiras. Buohkat geat skuvllas barget galget gozihit ahte ohppiin lea buorre dilli.

Jos mánná lea illáveaje

Jos du mánás orrot leamen dávdamearkkat, vaikke leat ge láivvi, de ii galgga skuvlii vuolgít. Lea dehálaš ahte orru ruovttus unnimus jándora maŋŋá go dávdamearkkat leat jávkan. Váhnemiin geain vuoiŋahagain orro vihki, eai galgga buktit eai ge viežžat mánáid. Jos ruovttuin earáin lea vuoiŋahagain dávdamearkkat dahje lea duođaštuvvon krónovirusdávda, de ehpet galgga dii ge boahit skuvlii.

Jos mánná šaddá illávejuid skuvllas, de mii gulahallat váhnemiiguin. Mánát fertejit ruovttuide vuolgít dahje vižžot skuvllas nu johtilit go vejolaš.

Váhnemat eai berrešii skuvlla siskkobeallai boahit

Mii geahččalat mánáid vuostáiváldit olgun ja eat ge hálit ahte váhnemat čuvvot mánáid skuvlla siskkobeallai dahje gárvodanlanjaide.

Bassat gieđaid lea seamma dehálaš ruovttus go skuvllas ge lea. Basset gieđaid ovdal go skuvlii vuolgibehtet, ja dakkaviđe go ruktui boahibehtet.

Mii ávžžohat ahte mánát astoáiggis eai leat ovttas eará mánáiguin, ja ahte berrešit olgun stoahkat.

Skuvlasáhttu

Jos ohpit johtet skuvlabussiin, de fertejit muitit ahte sis lea doarvái gaskka, sihke busse vuorddedettiin ja ja busse. Seammá gusto jos ohpit skuvlii johtet fearggain dahje eará almmolaš fievrriiguin. Jos lea vejolaš de galgá hilgut skuvlasáhtu ja iige almmolaš fievrriiguin johtit.